





水經卷第三

沔水



沔水出武都沮縣東狼谷中沔水又
東南逕沮水成而東南流注漢曰沮
口沔水又東逕白馬戍南濫水入焉
沔水又東逕武侯壘南沔水又東逕
沔陽故城南城沔水又東逕西樂城
北漢水又左得度口水漢水又東黃

沙水左注之漢水又東合襄水漢水
又東逕漢廟堆下又東過南鄭縣南
漢水又東得長柳渡漢水又左會文
水漢水又東黑水注之又東過城固
縣南又東過魏興安陽縣南泔水出
自旱山北注之漢水又東至漢城與
洛谷水合漢水又東逕小城固南漢
水又東逕石門灘漢水又東逕媯墟

為灘漢水又東逕猴徑灘漢水又東
逕小大黃金南漢水又東合遠隆漢
口漢水又東右會泮水漢水又東歷
敖頭漢水又東合直水漢水又東逕
直城南漢水又東逕晉昌郡之寧都
縣南漢水又東逕魚脯溪口又東過
西城縣南漢水東又得大勢漢水又
對月谷口漢水又東逕西城縣故城

南漢水又東為鱣湍漢水又東合旬
水漢水又東迳木蘭塞南漢水又東
左得育漢漢水又東迳魏興郡之錫
縣故城北漢水又東歷姚方

沔水

沔水東過襄陽縣北沔水又東合檀
溪水沔水又迳平魯城南又從縣東
屈西南濟水從北來注之沔水中

魚梁洲沔水又迳桃林亭沔水又東
南迳蔡洲沔水又東南邑城北沔水
又東合洞口又東過中盧縣東淮水
自房陵縣淮山東流注之沔水又東
南流迳黎丘故城西又南過印縣東
北沔水又南得木里水會又南過宜
城縣東夷水出自房陵縣東流注之
沔水又迳都縣故城南沔水又東教

水注之沔水又東南與白水合沔
水自荆城東南流逕當陽縣之章山
東沔水又東右會權口沔水又東南
與陽口合又東南逕江夏雲杜縣東
夏從西來注之沔水又東逕左桑沔
水又東合區亮水口沔水又東得合
驛口沔水又東謂之橫桑沔水又東
謂之鄧潭沔水又東得死沔沔水又

東與方口合沔水又東南沔水入馬
沔水又東逕沌陽縣北又南至江夏
沙羨縣北南入于江沔水與江合流
又東過蠡澤又東北出居巢縣南又
東過牛渚縣南又至石城縣分為二
其一東北流其一又過毗陵縣北為
北江南江又東與貴長池水合南江
又南東逕宣城之臨城縣南南江又

東與桐水合南江又東逕寧國縣南
南江又東北為長瀆歷河口凍縣松
江出馬江水奇分謂之三江口又東
至會稽餘姚縣東入于河江水又東
逕黃橋下江水又東逕餘姚縣故城
南江水又東注于海

沔水下

潛水

湍水

均水

粉水

白水

泚水

又東過堵陽縣堵水出焉自上松縣
北流注之又東過鄖鄉縣南漢水又
東逕鄖鄉縣故城南漢水又東逕琵琶
谷口又東北流又屈東南武當縣
東北漢水又東為恨子潭漢水又東
南逕武當縣故城北漢水又東平陽
川水注之沔水又東南逕縣城東沔
水又東逕龍巢山下又東南逕沙都

縣城東北又東南過鄴縣之西南又
南逕故城東又南過陟縣之西沔水
又東南得洛溪口又南過筑陽東筑
水出自房陵縣東過其縣南流注之
又東逕學城南沔水又南逕筑陽縣
東沔水又東為漆灘又東過山都縣
東北沔水又東逕樂山北沔水又東
逕隆中潛水出巴郡宕渠縣又入于

江端水出酈縣北芬山南流過其縣
東又南過冠軍縣東又東過白牛邑
南又東南至新野縣東入于涓均水
潁縣北山南流過其縣之東又南當
涉都縣邑北南入于沔粉水出房陵
縣東流過郢邑南又東過穀邑南東
入于沔白水出朝陽縣西東流過其
縣南又東至新野縣南東入于涓泚

水出泚陽縣東北太胡山東南流過其縣泄水從南來注之又西至新野縣南入于沔

淮水

淮水出南陽平氏縣胎簪山東北過桐栢山淮水又東逕義陽縣淮水又逕義陽縣故城南東過江夏平春縣北淮水又東油水注之淮水又東北

與大水合淮水又東北流左會湖水淮水又東逕安陽故城南淮水又東得瀨口水又東逕新息縣南淮水又東逕浮光山北淮水又東右壑水淮水又東北申陂枝水注淮又東逕淮陰亭北東逕白城南淮水又東逕長陵戍南又東青陂水注之淮又東北合黃水又東過期思縣北淮水又

東潭水注之東過原鹿縣汝水從西
北來注之又東過廬江安豐縣東北
決水從北來注之淮又東谷水入焉
淮水又東北左會濶水淮水又東北
窮水入焉又東北至九江壽春縣西
泚水洪水合北注之又東潁水從西
北來流注之淮水又東流與潁口會
東南迳倉陵北又東北流迳壽春故

城西淮水又北左合椒水又東過壽
春縣肥水從縣東北流注之淮水又
北迳山碇中謂之碇石淮水又迳莫
耶山西又東過當塗縣北過水從西
北來注之淮水又東北濠水注之淮
水又北沙水注之又東過鍾離縣北
淮水又東迳夏丘縣南淮水又東迳
浮山淮水又東迳徐縣南歷濶水注

之淮水又東池水注之淮水又東蘄
水注之淮水又東歷客山迺盱眙縣
故城西又東北至下邳淮陰縣西泗
水從西北來流注之又東過淮陰縣
北中瀆水出白馬湖東北注之又東
兩小水流注之又東至廣陵淮浦縣
入于海

澮水

涇水

濇水

灑水

瀕水

濩水

瀕水

澮水出南陽縣西之堯山東北過瀕
川定陵縣西北又東過堰縣南東入
于汝涇水弘農盧氏縣攻離山東南
過南陽西鄂縣西北又東過宛縣南
又屈南過涇陽縣東又南過新野縣
西西過鄧縣東南入于沔濇水出濇
強縣南澤中東入潁濯水出汝南吳

房縣西北興山東過其縣北入于汝
 觀水出濩陰縣東上界山東過吳房
 縣南又東過濯陽縣南又東過上蔡
 縣南東入汝濩水出濩陰縣西北扶
 予山東過其縣南又東過西平縣北
 又東過郟縣南又東過定潁縣北東
 入于汝湏水出蔡陽縣東南廷隋縣
 西又南過江夏安陸縣西之東南入

江夏

膠水 蕪水 泐水 泚水

泄水 肥水 施水 沮水

漳水 夏水 羗水 涪水

潼水 涿水

膠水出江夏平春縣西南過安陸入
 于湏蘄水出江夏蘄春縣北山南過
 其縣西又南至蘄口南入于江泐水

出廬江寧婁縣南大別山北過其縣
東又北過安豐縣東又北入于淮
水出廬江潛縣西南霍山東北東北
過六縣東北入于淮泄水出博安縣
北過芍陂西與此水合西北入于淮
肥水出九江成德縣廣陽鄉西肥水
別北過其縣西北入芍陂又北過壽
水入于淮施水亦從廣陽

鄉東南入于湖沮水出漢中房陵縣
淮山東南過臨沮縣界又東南過枝
江縣東南入于江漳水出臨沮縣東
荆山東南過蓼亭又東過章鄉南又
南至枝江縣北烏扶邑入于沮夏水
出江流于江陵縣東南又東過華容
縣南又東至江夏雲杜縣入于沔羗
水去羗中叅糧又東南至廣魏白水

縣與漢水合又東南過巴郡閬中縣
又南至墊江縣東南入于江涪水出
廣魏涪縣西北南至小廣魏與梓潼
水出其縣北界西南入于涪又西南
至小廣魏縣南入于墊江涪水出漢
中南縣東南旱山北至沔陽縣南入
于沔

江水

岷山在蜀郡氐道縣大江所出東南
過其縣北江水自天彭關東逕汶關
而歷氐道縣北又有崩水入焉江水
又東別為沱江水又歷都安縣又東
南過犍為武陽縣青衣水涿水從西
南來合而注之又東南過犍道縣北
若水淹水合從西來注之又東注水
北流注江水又與符里水合又東過

江陽縣南洛水從三危山東過廣魏
洛陽南東南注之江水迳漢安縣北
江水東迳樊石灘又迳大附灘又東
過符縣北邪東南鯨部水從符關東
北注之又東北至巴郡江州縣東強
水涪水漢水白水宕渠水水合南流
注之又江水東至枳縣西迳江從牂
牁郡北流西屈注之又逕東望峽東

歷平都江水右迳虎鬚灘江水又東
迳臨江縣南江水又東得黃華水口
左迳石城南又東至平州又東迳壤
塗而歷和灘又東迳界壇江水又東
右得將龜溪口江水又東南會北集
渠江水又右迳池溪口江水又東迳
右龍又東迳羊腸虎臂灘江水又東
彭水注之江水又東右迳朐忍縣故

城南江水又東迳瞿巫灘江水又迳
東陽灘江水又迳魚復縣之故陵江
水又東為落牛灘迳故陵北江水又
右迳夜清而東歷朝陽道口江水又
東左迳新市里南江水又東右合陽
元水口江水又東迳南鄉峽東迳永
安宮南江水又東迳諸葛亮圖壘南
江水又東南迳赤岬西江水又東迳

魚復縣故城南江水又東迳廣溪
江水自關東迳弱關捍關江水又東
烏飛水注之

江水

江水又東迳縣故城南江水又東巫
溪水注之江水又東迳巫峽江水歷
峽東迳新崩灘江水又東迳石門灘
又東過秭歸縣之南江水又東迳城

北江水又東南迳夔城南江水又東
迳歸鄉縣故城北江水又東迳信陵
縣江水又東過夷陵縣南江水歷峽
東迳宜昌縣之埵竈下江水又東流
頭灘江水又東迳宜昌縣北江水又
東迳狼犀灘而歷人灘江水又東迳
黃牛山江水又東迳西陵峽江水歷
禹斷江江水出峽東南流迳城故

江水又東迳陸抗故城北江水又東
迳白鹿巖江水又東歷荆門虎牙之
門又東南過夷道縣北夷水從佷山
縣南東北注之江水又東迳上明城
北江水又東會沮口又南過江陵縣
南江水又東迳鸞尾洲江水東得馬
牧口江水又東迳江陵縣故城南江
水又東迳郢城南江水又東得豫章

口

江水

又東至華容縣西夏水出焉又東南
當華容縣南湧水出焉江水又東洎
水注之江水又迳南平郡孱陵縣之
樂鄉城北又東南油水從西南來注
之又東右合油口又東迳公安縣北
江水左會高口江水又東得故市口

江水又右迳揚岐北山大江又東左
合子夏口大江又東左得侯臺水口
大江右得龍穴水口江水自龍巢而
東俞口又東得清陽土塢二口大江
右迳石首山北又東迳赭粟江水左
得飯筐上口江水又右得上檀浦江
水又東迳竹町南又東至長沙下雋
縣北澧水沅水澨水合東流注之湘

水從南來注之江水又東左得二夏
浦又東迳彭城口江水自彭城巖東
迳如山北江水又左迳白螺山南江
水左迳止烏林南江水又東左得子
練口江水左得中陽水口又東得白
沙口江水東右得聶口江水左迳百
人山南江水東迳大軍山南江水又
東迳小軍山南江水又東迳雞翅山

北又東北至江夏沙羨縣西北沔水
從北來注之江水又東迳歎父山南
對歎州江水又東迳魯山南江水左
得湖口水通太湖又東合澗口水上
承沔水於安陸縣而東迳緡陽縣北
東南注于江江水又東湖水自北南
注謂之加吳江右岸頻得三夏浦北
對東城洲西浦則有雍伏成江之左

岸東會龍驤水口出北山蠻中江之
有武口水南通安陸之延頭江水東
迤若城南又東過邾縣南江水右黎
嶼嶼北江水又東迤邾縣故城南鄂
縣北江水右得樊口江水又左迤赤
臯山南又東迤西陽郡南郡治即西
陽縣也江之左岸有鄂縣故城江水
左則巴水注之又東迤輟縣故城南

東會希水口出瀟縣霍山西麓山北
有瀟縣故城大江右岸有厭里口安
樂浦江水左得赤水浦江水又東迤
南陽山南江水又東迤西陵縣故城
南江水東歷孟家澆江之右岸有黃
石山水迤其北又東過蘄春縣南蘄
水從東北注之又東過下雉縣北刊
水往東陵西南注之又東左得青林

口

青衣水 桓水 若水 沫水

延江水 沅泉 存水 温水

青衣水出青衣縣西蒙山東與沫水

合也至犍為南安縣入于江桓水出

蜀部岷山西南行羌中入于南海若

水出蜀郡旄牛徼外東南至故關為

若水也南過越雋邛都縣西直南至

會無縣淹水東南流注又東北至犍

為朱提縣西瀘江水又東北至棘道

縣入于江沫水出廣柔徼外東至南

過旄牛縣北又東至越雋靈道縣出

蒙山南東北與青衣水合東入于江

延江水出犍為南廣縣又東至犍犍

鬻縣東屈北流至邑郡涪陵縣注更

始水又東南至武陵西陽縣入于酉

水酉水東南至沅陵縣入于沅存水
出捷為邵鄔縣東南至鬱林定周縣
為周水又東北至潭中縣注于潭溫
水出牂牁夜郎縣又東至鬱林廣鬱
為鬱水又東至領方縣東與斤南水
合東兆入于鬱

淹水

葉榆水

夷水

油水

漕水

沅水

浪水

淹水出越雋遂又縣徼外東南至靖
蛉縣又東過姑復縣南東入于若益
州葉榆河出其縣北界屈從縣東北
流過不韋縣東南出益州界入牂牁
界西隨縣北為西隨水又東出進桑
關過交阯麓泠縣北分為五水絡交
阯郡中至東界復合為二水東入海
夷水出巴郡魚復縣江東南過佷山

縣南又東過夷道縣北東入于江油
水出武陵屏陵縣西界東過其縣北
又東北入于江澧水出武陵克縣西
歷山東過其縣南又東過零陽縣之
北又東過作唐縣北又東至長沙下
雋縣西北東入于江沅水出牂牁且
蘭縣為亭溝水又東至鐔城縣為沅
水又東至過臨沅縣南又東至長沙

下雋縣西北入于江浪水出武陵鐔
城縣北界沅水谷南至鬱林潭中縣
與鄰水合又東至蒼梧陵縣為鬱溪
又東至高安縣為火水又東至南海
番禺縣西分為二其一南入于海其
一又東過縣東南入于海負水又東
南一千五百里入南海

資水 漣水 湘水 灘水

溱水

資水出零陵都梁縣路山東北過夫夷縣又東北過邵陵縣之北又東北過益陽縣北又東與沅水合於湖中東北入于江也漣水出連道縣西資水之別東北過湘南縣南又東北至衡陽湘西縣界入于湘水湘水出零陵山安縣陽海山東北過零陵縣東

又東北過桃陽縣東又東北過泉陵縣西又東北過重安縣東又東北過鄱縣西泰水從東南來注之又東北過陰山縣西涿水從東南來注之又北過澧陵縣西漣水從東注之又北過臨湘縣西瀏水從縣西北流注又北為水從西南來注之又北過羅縣西潁水從東南流注又北過下雋縣

西微水淺東來流注又北至巴三山
入于江灘水亦出陽海山南過蒼梧
荔浦縣又南至廣信縣入于鬱水漆
水出桂陽臨武縣南繞城西北屈東
至曲江縣安甬邑東屈西南流過須
陽縣出淮浦關與桂水合南入于海

匯水 深水 鍾水 來水

涑水 澱水 瀨水 瀨水

贛水 廬水

匯水出桂陽縣廬聚東南過含淮縣
南出淮浦關為桂水深水出桂陽廬
聚西北過零陵營道縣南又西北過
營浦縣南又西北過泉陵縣西北七
里至燕室邪入于湘鍾水出桂陽南
平縣部山北過其縣東又東北過宋
渚亭又北過鍾亭與雞水合又北過

魏寧縣之東又北入于湘耒水出桂陽郴縣南山又北過其縣之西又北過便縣之西又西北過耒陽縣之東又北過臨縣東北入于湘沅水出茶陵縣上鄉西北過其縣西又西北過攸縣南又西北過陰山縣南又西北入于湘漣水出醴陵縣東漣山西過其縣南屈從西西北流至漣浦注入

于湘瀏水出臨湘縣東南劉陽縣西北過其縣東北與澧溪水合西入于湘澗水出豫章艾縣西過長沙羅縣西又西累石山入于湘水贛水出豫章南野縣西北過贛縣東又西北過廬陵縣西又東北過石陽縣西又東北過漢平縣南又東北過新淦縣西又北過南昌縣西又北過彭澤縣西

北入于江瀘江水出三天子都北過
彭澤縣西北入于江

漸江水 介江水

漸江水出三天子都北過餘杭東入
于海介南水出交趾龍編縣東北至
鬱林領方縣東注二鬱容容夜緬湛
乘牛無會重瀨夫省無變由蒲七都
融勇外此皆出曰南郡西東東入于

海容容水在南垂名之以次轉北也
右三十水從江已南至日南郡也秦
山為東嶽在泰山博縣西北霍山為
南嶽在廬江潯縣西南華山為西嶽
在弘農華陰縣西南雷首山在河東
蒲坂縣東南砥柱山在河東大陽縣
東河中王屋山在河東垣曲縣東北
也太行山在河內野王縣西北恒山

此下脫一葉錯在中
卷之末。道

為北嶽在中山上曲陽縣西北碣石
山在遼西臨渝縣南水中也析城山
在河東濩澤縣西南大嶽山在河東
水安縣壺中山在河東北屈縣東南
龍門山在河東皮氏縣西梁山在馮
翊夏陽縣西北河上荆山在馮翊懷
德縣南岐山在扶風美陽縣西北閔
山在扶風郿縣之西也隴山終金蘭

縣西北敷淺原地在豫章歷陵縣西
南彭蠡澤在豫章彭澤縣北中江在
丹陽蕪湖縣南東至會稽陽羨縣入
于海震澤在吳縣南五十里北江在
毗陵北界東入于海嶧陽山在下邳
縣之西羽山在東海祝其縣南也陶
丘在濟陰定陶縣之西南荷澤在定
陶縣東雷澤在濟陰成陽縣西北荷

水在山陽湖陸縣南蒙山在太山蒙
陰縣西南大野澤在山陽鉅野縣東
北大垸地在河南城臯縣北明都澤
在梁郡睢陽縣東北益州池水在蜀
郡汶江縣西南其一在郾縣西南皆
還入江荆州沔水在南郡沔江縣三
澁地之南在邛縣之北右禹貢山水
澤地所在凡六十



題水經後

右水經三卷撰於漢桑欽氏而
校輯於升菴楊先生濟源遼支
縷析無遺一展卷間不必跡禹
之跡而天下了然在目余嘗因
是攷之柳子云歸墟之世非出
天地之外也水入東而復繞西

又滲縮上升而下流於東耳其
說亦近似然以理驗之則天地
之化往者消而來者息非以注
者之消復為來者之息也水流
東極氣盡而散如沃焦釜非若
未盡之水山澤通氣而流注不
窮也古之聖賢有見於斯川上

嘆觀瀾之喻源頭活水之詠

獨亶亶焉以之見未必識此乃
能幽探廣采會博歸約窮千古
于管端移萬里于几席其用心
亦密矣視彼胸吞雲夢袖藏東
海有不足言者雖然有先生為
之表章而欽之著述始顯否則

湮沒弗傳與物澌盡矣寥寥百
世其心孰從而白耶噫浦珠煥
劍失而復全鬼神尚呵護之而
况斯帙有禪治理者焉造物不
終棄之而待於今謂非有數存
乎哉先生涵泳聖涯此特緒餘
耳頭余何暇其浩瀚縱覽之

餘繕本而梓之亦得以竊一勺
之潤

正德戊寅夏季上浣錫山筠谷
道人盛夔謹識



盛夔寫刻楊慎校定水經三卷

傅沅叔先生贈送給我的。盛跋題

正德戊寅（十三年，一五一八）在黃省曾刻

本之前十六年。

胡適

一九四七、五、十五



古書流通處



